

*Barulum, Barleta* vulgo. Inter quatuor Italiae Castella numeratur, *Ostunum* populo frequens, parvo in colle situm. *Cilium, Cilio: Celia* Ptol. *Venusia, Venusium* Horatio, cuius patria. *Venosa* hodie. Sunt item *Canusium, Acherontia, Biletum* & alia Opida.

*Terra d'Otranto.*

*Nomina.*

*Situs.*

*Caeli temperies.*

*Soli fertilitas.*

*Urbes.*

Post *Apulias* explicanda succedit *Salentinorum* Regio, quæ & *Iapygia Massapiapue*, item *Calabria*. Nunc *Italis* ab *Hydrunte*, *Terra Hydruntina*, vulgo *Terra d'Otranto*. Habet hæc Regio ab Meridie *Tarentum* & Mare usque Promontorium *Salentinum*, ab Oriente idem Promontorium cum Mari *Ionio*: quod etiam & *Hadriatico*, qua *Septentrio* est, adluitur ab *Hydrunte Brundisium* usque; qua *Occidentem* respicit *Apulia* illi adjacent *Peucetia*, cum *Magnæ Græciæ* portione. Tota hæc Regio saluberrimo gaudet aere, cœloque sudo & sincero, præterquam in ora, quæ ab *Lacu Hydruntino Brundisium* usque: ubi plerisque in locis juxta mare sunt *Paludes*. Regio fertilis & optima; Caput Regionis, cui nomen a se præbuit *Hyaruntum*, Ἰδρυά, *Strab. Ptol.* & aliis. *Hydrus* *Melæ*. Hodie *Otranta*. Urbs est vetustissima, cœlo potitur clementissimo. Præter Portum satis capacem, *Aquilone* flante non satis tutum, Arcem habet in Saxo, quo mari imminet, tutissimam: opus *Alfonfi* 11. Ager illi amœnus & fertilis. Reliquæ sunt: *Gallipolis*, hodie *Callipolis*: Aliis *Callipoli* tamquam Urbs pulchra. Munitissimum habet natura situm. Scopulo enim insidet seu Insulæ modicæ, quæ mari undique cingitur. Continenti ponte adhærens, saxi fulto ingentibus. Castrum Civitas Mercatoribus frequens *Olei* commendati. *Brundisium* & *Brundisium*, *Breundesium* Ptol. *Brentesium* Steph. *Barnedis* Benjaminio, *Brindisi* hodie. Aerem habet clementissimum. Portus olim illi incultus, ex quo Romanis tutissimus quondam fuit in *Græciam* transitus. Nunc repletus est: adeo ut vix *triemibus* per eum currere liceat. Arx urbi munitissima. Oriæ civitas in Colle *Tarentum* spectans. Spectat eam Arx in Colle valida. *Aletium* Ptol. hodie *Leçe* & *Leccie* vulgo. *Salentinorum* hodie primaria Concilio totius *Apuliæ* Regio, Foroque perpetuo: Procerum totius hujus tractus Domicilium, multorumque Nobilium Sedes. *Uxentum* hodie *Ufento*, *Vgenti*, *Ogento*, variante scriptura: nunc perexigua est.

*Calabria & unde dicta.*

*Situs.*

*Soli fertilitas.*

*Calabria*, ab *Calabris*, quos *Magnæ Græciæ* partem *Salentinis* adhærentem ad *Ionium* *Æquor* circa *Iapygium* Promontorium tenuisse, ex *Ptolemæo* est manifestum, nomen habet. Regio Italiae in extremis ejus finibus instar linguæ porrecta inter utrumque fretum inferum superumque interjacet. Fert ubertate quadam felicitateque stupenda, quidquid Vitæ ex voto transigendæ, deliciisque fruendis necessarium: *Triticum*, *Hordeum* aliaque *Fruementi* genera: *Vinum* varium, *Oleum*, *Saccarum*, *Manna*, *Mel*, *Ceram*, *Sal nativum* *Fæctitium*que, *Ficus*, *Poma Medica* & *Citria*, *Limones* aliosque fructus nobilissimos: item *Aurum*, *Argentum*, *Lanam*, *Gossypium*, *Crocum*, *Sericum*, *Linum*, & quid non? *Calabria* duplex, *Inferior*, quæ *Brutiorum* olim Sedes, hodie proprie *Calabria*. *Inferior*: & *Superior*, quæ olim *Magna Græcia*. *Inferioris* fines ab *Occasu Laus*, itemque *Lucani*: a Meridie Mare *Tyrrhenum* & *Siculum*: qua *Oriens* est, parte Maris *Hadriatici*: